



Broj: JN06-16-4-157-10/23
Datum: 30.11.2023.godine

Na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama („Službeni list BiH“, broj 39/14 i 59/22) te člana 12. stav (5) i (7), a na Preporuku Komisije za javne nabavke br. JN06-16-4-157-9/23 od 30.11.2023. godine, u postupku nabavke, isporuke i montaže profesionalnog valjka za peglanje za potrebe Zavoda, upravnik Zavoda za izvršenje krivičnih sankcija BiH d o n o s i:

O D L U K U O IZBORU NAJPOVOLJNIJEG PONUĐAČA

NABAVKA, ISPORUKA I MONTAŽA PROFESIONALNOG VALJKA ZA PEGLANJE

Član 1.

Prihvata se Preporuka Komisije za javne nabavke, br. JN06-16-4-157-9/23 od 30.11.2023. godine i Ugovor za nabavku, isporuku i montažu profesionalnog valjka za peglanje za potrebe Zavoda, dodjeljuje se odabranom ponuđaču „**Global Tehnical Service**“ “**D.O.O. SARAJEVO**“, za ponuđenu cijenu od 77.000,00 KM bez PDV-a (90.090,00 KM sa PDV-OM) kao najbolje ocijenjenom ponuđaču.

Član 2.

Prijedlog Ugovora o nabavci dostavit će se na potpis odabranom ponuđaču po isteku roka od 15 (deset) dana, računajući od dana kada je ponuđač obavješten o izboru najpovoljnije ponude.

Odabrani ponuđač je dužan dostaviti dokaze o kvalificiranosti (u originalu ili ovjerenj kopiji ne starijoj od 3 (tri) mjeseca od dana dostavljanja ponude), u roku od 7 (sedam) dana, nakon što bude obavješten o rezultatima ovog postupka javne nabavke od strane ugovornog organa.

Član 3.

Za izvršenje ove Odluke zadužuju se i ovlašćuju Služba za opće, pravne i materijalno-finansijske poslove.

Član 4.

Ova Odluka uputiće se ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke br. JN06-16-4-157/23 od 01.11.2023. godine.

Javna nabavka je provedena putem Otvorenog postupka.

Procijenjena vrijednost javne nabavke bez PDV-a iznosi 77.000,00 KM.

Tenderska dokumentacija i Obavještenje o nabavci br. 24650-1-1-160-3-96/23 su objavljeni 03.11.2023. godine na Portalu javnih nabavki. Ispravka obavještenja broj: 24650-1-1—160-8-103/23 je objavljena 17.11.2023.godine.

Komisija za javne nabavke imenovana je Odlukom o imenovanju Komisije za javne nabavke br. 06-16-4-216/23 od dana 24.01.2023. godine i Odlukom br. 06-16-4-216-2/23 od dana 15.02.2023. godine, i Odlukom broj : 06-16-4-216-3/23 od 26.10.2023.godine.

Komisija za javne nabavke je dana 30.11.2023. godine, dostavila Zapisnik o pregledu i ocjeni ponuda, br. JN06-16-4-157-8/23 i Preporuku o izboru najpovoljnijeg ponuđača, br. JN06-16-4-157-9/23 u predmetnom postupku.

U postupku po izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispjele ponude, o čemu je sačinila odgovarajuće Zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da je blagovremeno zaprimljene 2 (dvije) ponuda,
- da nije bilo neblagovremeno zaprimljenih ponuda,
- da je ponuda ponuđača, Global Tehnical Service“ “ D.O.O. SARAJEVO, prihvatljiva i u skladu sa tenderskom dokumentacijom,
- dok ponuda ponuđača Artika d.o.o. Sarajevo, nije u skladu sa tenderskom dokumentacijom, te je ista odbačena i ocijenjena kao neprihvatljiva iz razloga što ponuđač nije dostavio potpisanu i ovjerenu izjavu da posjeduje na stanju sve rezervne dijelove za opremu koju nudi i da će u slučaju potrebe isporučiti iste u roku od 24 sata od momenta zahtjeva od strane ugovornog organa (isto je propisano tačkom 12.3.5. tenderske dokumentacije).

Prema naprijed navedenom ponuda ponuđača Artika doo Sarajevo je odbačena u skladu sa članom 68. stav (4) tačka i) Zakona o javnim nabavkama („Službeni list, broj 39/14 i 59/22), iz razloga što ponuda nije potpuna i ne ispunjava zahtjeve iz tenderske dokumentacije.

Prema naprijed navedenom Komisija je konstatovala da je u predmetnom postupku jedina prihvatljiva ponuda ponuđača „Global Tehnical Service“ “ D.O.O. SARAJEVO,“ te predlaže da se istom dodijeli ugovor za predmetnu nabavku.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, shodno kriterijima iz Tenderske dokumentacije.

U postupku ocjene provedenog postupka, Upravnik Zavoda za izvršenje krivičnih sankcija, pritvora i drugih mjera BiH, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.


Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Na osnovu člana 101. stav (1) tačka d) Zakona o javnim nabavkama („Službeni list BiH“, broj 39/14 i 59/22), protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, lično ili preporučenom poštom.

Način izjavljivanja žalbe i sadržaj žalbe su definisani članovima 99. i 105. Zakona o javnim nabavkama („Službeni list BiH“, broj 39/14 i 59/22).



UPRAVNIK

Siniša Perković

Dostaviti:

1. Komisiji za javne nabavke,
2. Global technical Service doo Sarajevo,
3. Artika d.o.o. Sarajevo,
4. U spis.